

中國歷代神異典



廣陵書社

中國歷代神異典

江苏工业学院图书馆
藏书章

三

欽定古今圖書集成博物彙編神異典

第一百五十六卷目錄

僧部列傳三十二

唐八

法融

那提三藏

解脫

惠明

智保

智首

法礪

智嚴

善伏

法衡

惠主

智說

惠璣

元琬

神異典第一百五十六卷

僧部列傳三十二

唐八

法融

按續高僧傳法融姓韋潤州延陵人年十九翰林墳典探索將盡而姿質都雅偉秀一朝喟然歎曰儒道俗文信同糠粃般若止觀實可舟航遂入茅山依見法師剷除周羅服勸請道吳魯動江海德誘後神妙理真至無所遺隱融縱神挹酌情有所緣以爲慧發

亂經定開心府如不凝想妄慮難推乃凝心默于空靜林二十年中專精匪懈遂大入妙門百八總持樂說無盡趣言三三懸河不窮貞觀十七年於牛頭山幽栖寺北巖下別立茅茨禪室日夕思擇無缺寸陰數年之中息心之衆百有餘人初構禪室四壁未周弟子道養道憑于中攝念夜有一獸如羊而入騰倚揭聲脚蹶二人心見其無擾出庭宛轉而遊山有石室深可十步融于中坐忽有神蛇長丈餘目如星火舉頭揚威于室口經宿見融不動遂去因居百日山素多虎樵蘇絕人自融入後往還無阻又感羣鹿依室聽伏會無懼容有二大鹿直入同僧聽法三年而去故慈善根力禽獸來馴乃至集於手上而食都無驚恐所住食廚基臨大壑至於激水不可環階乃顧徘徊徇指東嶺曰昔遠公柱錫則朽壤驚泉耿將整冠則枯登還滿誠感所及豈虛語哉若此可居會當清泉自溢經宿東嶺忽湧飛泉清白甘美冬溫夏冷即激引登峰趣釜經廊此水一斗輕餘將半又二十一年十一月巖下講法華經於時素雪滿階法流不絕於凝冰內覆花二莖狀如芙蓉燦同金色經於七日忽然失之衆咸嘆仰永徽三年邑宰請出建初講揚大品僧衆千人至誠譯品融乃縱其天辯商榷理義地怨大動聽侶驚波鐘磬香林並皆搖蕩寺外道俗安然不覺顯慶元年司功蕭元善再三邀請出往建初融謂諸僧曰從今一去再踐無期離合之道此常規耳辭而不免遂出門舍默哀號逾月不止山澗泉池擊石湧沙一時填滿房前大桐四株五月禁茂一朝彫盡至二年閏正月二十三日終於建初

春秋六十四道俗哀事官僧軫結二十七日遷於鍾籠山檀蓋茆簷雲浮震野會送萬有餘人初融以門族五百爲延陵之望家爲婚聘乃逃隱茅岫吳師三論之匠依志而業又往丹陽南牛頭山佛窟寺現有辟支佛窟因得名焉有七藏經書一佛經二道書三佛經史四俗經史五書方圖符符宋初有劉司空造寺其家巨富用訪寫之永鎮山寺相傳守護達於貞觀十九年夏早失火延燒五十餘里二十餘寺并此七藏並同燬燒燼乎同祿事等建章道俗悼傷深懷惻愴初融住幽棲寺去佛窟十五里將事尋討值執藏顯法師者稽留日夕諮請經久許之乃問融所學並探材術遂寄詩達情方開藏給融即於內外尋閱不謝昏曉因循八年抄略粗畢還歸幽棲閣自靜房宇虛廓惟一坐敷自餘蔓草苔莓擁結坐牀巖高二寸寒不加絮暑絕追涼精草思微用畢形有然而吐言包富文藻綺錯須便引用動若珠聯無不對以官商元儒衆冠初出幽棲寺開講大集言詞博遠通俗咸欣末微中江寧令李修本即右僕射靖之猶子生知信向崇重至乘欽融嘉德與諸士俗往往幽棲請出州講融不許乃至三返方遂之舊齒未之許後銳所商榷及登元座有光前傑答對若雲雨寫送等懸河皆曰聞所未聞可謂中興大法於斯人也聽衆道俗三千餘人講解大集時稱榮觀前後乘茲雅聞相續法輪邑野相趨庭宇充闐時有前修負氣望日肝衡乍聞高價驚惶忿怒來至席端昌言徵責融辭以寡薄不偶至人隨問遣答然猶謙挹告大衆曰昔如來說法其理猶存人雖凡聖義無二准何爲一時

一席受道之衆塵沙今雖開演頓悟之實絕滅豈非如行如說心無繫於八風如說如行情有薄於三毒不參將何自拔耶聞者撫心推測涯極故使聽衆傾耳莫不解形情醉初武德七年輔公託跨有江表未從王政王師薄伐吳越唐僧衆五千學然安堵左僕射房元齡奏稱入賊諸州僧尼極廣可依關東舊格州別一寺置三十人餘者遣歸編戶融不勝枉詰入京陳理御史韋挺備覽表辭文理卓明詞彩英贍百有餘日韋挺經停房公伏其高致固執前送告融云非兩事理不無但是曾經自奏何勞法衣出俗將可返道實王五品之位俯若拾遺四千餘僧未勞傍及融確乎不拔知命運之有窮旋於本邑後方在度又弘護之誠表形爲本略出一兩示其化迹未微之中睦州妖女陳碩真邪術惑人誘誤良善四方遠僧都會建業州縣搜討無一延之融時居在幽巖室猶應房寺衆食煎相顧無聊日漸來奔數出三百僧侶將散新至無依雖欲歸投計無所往縣官下責不許停之融乃告曰諸來法侶無問新舊山寺蕭條自足依庇有無必失勿事羈離望利知歸退飛何往並安伏業禍福同之何以然耶並是捨俗出家遠希正法業命必然安能避也近則五賊常逐遠則三欲恆纏心無離於倒迷事有障於塵境斯爲巨靈志異驅除安得瓊瑣公途繫懷封著並隨木志無得遠於幽林融以僧衆口給日別經須躬往丹陽四告士俗聞者割減不衷所求融報力輕強無辭擔負一石八斗往送復來日或二三莫有勞倦百有餘日事方寧靜山衆恬然無何而散於時局情寡見者被官拷責窮刻

妖徒不能文任或有自縊而死者而融立志泊然風塵不涉客主相顧諸會琴瑟遂得釋然理通情洽豈非命代開士難據知人寒木死灰英英間出實斯人矣時有高座寺互法師陳朝名德年過八十金陵僧望法事攸屬開悟當塗融在幽棲聞風造往以所疑義封而問曰經中明佛說法言下受悟無生論中分別名句文相不明復益法師受佛遺教敷轉法輪如融之徒未聞靜處爲是機譽覆塞爲是陶化無緣明昧迴通用增虛仰必願開剖盤結伏志遵承互良久憮然告曰吾昔在前陳年未冠聲有確禪師王臣歸散登座控引異子同之吾何人哉敢當遺寄遂爾而散融還建初寺潛結同儕互重其道志策杖往尋旣達建初寺有德善禪師者名稱之士喜互遠來歡愉談譚而善與融同寺初未齒之互曰吾爲融來忽輕東魯乃召而問之令叙元致即坐控筆文理具揚三百餘對言無浮采於是二德嗟嘆滿懷仍於山寺爲立齋講然融儀表瑰異相越常人頭顱巨大五嶽隆起眉目長廣頰頰張張行鶴視聲氣深遠如從地出立雖等倫坐則超衆衣服單素纔得充軀肩肘絕綿動逾累紀書有遺者返而還之而用心柔輒慈悲爲懷重稚之與者艾敬齊如一屢經憂惱而即忘情不願曾有同友聞人私憾加謗融身誓以非類乃就山說之融曰向之所傳總是風氣出口即滅不可追尋何爲負此虛談遠傳山數無住爲本願不干心故其安忍刀劍情靈若此或登座罵辱對衆講毀事等風行無思緣願而顯貌照怡悅增悅傳是知斥者故來呈拙光飾融德者乎傳者抑又聞之昔如來說化

加誘沸騰或殺身以來謂或繫杆以生誹滅跡內以死蟲反說面欺大聖斯徒衆矣而佛府而隱之任其訕誹及後過咎還露或生投地穴或死入泥犁天人之所共輕幽顯爲之悲慟而如來光明益顯金德彌昌垂範以示將來布教陳於陸海融嘗二十許載備覽羣經仰習正覺之威容俯聆明曜之聲說陀那之風審七觸之妄有剎那之想達四遠之無停固得體解時機信五津之交貿覽其指要聊一觀之都融融實斯融斯言得矣

智嚴

按指月錄牛頭山智嚴禪師曲阿華氏子弱冠智勇過人隋大業中爲郎將常以弓挂濾水囊隨所至自汲用累立戰功年四十遂乞出家入舒州皖公山從寶月禪師一日宴坐觀異僧身長丈餘謂之曰卿八十生出家宜加精進言訖不見嘗在谷中入定山水暴漲師怡然不動其水自退有獵者遇之遂改過修善復有甘同從軍者二人聞師隱遁共入山尋之既見謂曰郎將狂耶何爲住此師曰我狂欲醒君狂正發夫嗜色淫聲貪榮冒寵流轉生死何由自出二人感嘆而去

那提三藏

按續高僧傳那提三藏此言福生具依覺言則云布如烏伐邪以言煩多故此但說略而云那提也本中印度人少出家名師開悟志氣雄遠弘道爲懷歷遊諸國務在開物而善達聲明通諸詁訓大夏名爲文士擬此土蘭臺著作者性況愛好奇尚聞有涉悟不憚遠夷曾往執師子國又東南上楞伽山南海諸國

隨緣達化善解書語至此敷演度人立寺所在揚扇承脂那東國盛轉大乘佛法崇盛贍洲稱最乃搜集大小乘經律論五百餘夾合一千五百餘部以未徵六年創建京師有敕令於慈恩安置所司供給時元奘法師當途翻譯聲華騰蔚無由克彰掩抑蕭條般若是難既不蒙引返充給使顯慶元年敕往崑崙諸國採取異藥既至南海諸王歸敬爲別立寺度人授法弘化之廣又倍於前以昔被敕往理須返命慈恩梵本搜尋研龍朔三年還返舊寺所齋諸經並爲焚將北出意欲翻度莫有依憑惟譯八曼荼羅禮佛法阿吒那智等三經要約精最可常行學其年南海真臘國爲那提素所化者奉敬無已思見其人合國宗師假途遠請乃云國有好事惟提識之請自採取下教聽往返迹未由余自博訪大夏行人云那提三藏乃龍樹之門人也所解無相與英同旨西梵僧云大師隱後斯人第一深解實相善達方便小乘五部毘尼外道四圍陀論莫不洞達源底通明言義詞出珠聯理暢實舉所著大乘集義論可有四十餘卷將事譯之被遣遂闕夫以抱麟之嘆代有斯蹤知人難哉千齡罕遇那提挾道遠至投俸北冥既無所待乃三被毒載充南役崎嶇數萬頻歷瘴氣委命遺命斯人斯在嗚呼惜哉

善伏

按續高僧傳善伏一名等照姓蔣常州義興人生即白首性知遠離五歲於安國寺兄才法師邊出家布衣蔬食日誦經卷目觀七行一聞不忘貞觀三年實刺史聞其聰敏追充州學因爾日聽俗講夕思佛義

博士責之對曰豈不聞乎行有餘力所以博觀如不見信請問前聞乃試之一無所滯重爲聯類佛教兩用疎通於是學館傾首何斯人之若斯也後逃隱出家志樂佛法欲罷不能忽逢山水淹留忘返斯因宿習非近學也至蘇州流水寺壁法師所聽四經三論又往越州教法師所周流經教頗涉幽求至天台超禪師所示以西方淨土觀行因以廣行交桂廣循諸州遇綜會諸名僧諮疑請決又上荆襄新部見信禪師示以入道方便又往廬山見遠公淨土觀堂還到潤州兼禪師所示以無生觀後共禪才二師入桑梓山行慈悲觀又爲鬼神受戒莫敢肉神又降巫者令召伏受戒巫者殺生祀神神打之次死降語曰吾已於伏聞黎受戒誓不食肉如何爲吾殺生惡爾愚癡且怨汝命後更爾者必加至死自後諸祀永絕羶腥常發二州人同載積麻爲貨至江神所一以蔬祭一欲殺生而未行其麻並濕前疏祭麻並乾燥於是行人忌憚無敢肉祭故授戒功驗人神敬仰有陵犯者立見禍害江淮間屠販魚肉鵝鴨雞猪之屬受法開放市無行肆官人怪之有義與令素不信嫌伏動衆將加私度之罪伏昆季路之其人忽似狗登繩牀生諸惱患不久除名往常州筮之卦云由犯賢聖罪不可救其人得急就伏求免末徵二年被括還家然志好出俗見家如獄復往山居苦節艱勤人不堪其憂也衆又屯聚因爲說法講令行慈不殺者佛教之都門也不能行之若講禮而爲僂傲耳又勸行六道供以先祖諸亡者無越此途又曰山有玉則草木潤泉有龍則水不竭住處有三寶則善根增長常在伏牛

山以虎豹爲同侶食蚊蟲爲私行觀前六尺未會願聆經中要偈口無輟音大約十五觀四明論以爲崖唯顯慶五年行至衡嶽意欲求靜返更迴結說法既久忽告曰一切無常氣息難保夜深各散鍊盡當離時不測其言也便返閉而坐爾夜衡州諸寺鐘及笙管鳴聲徹曉道俗咸怪至房關掩乃破而開之見伏端坐入終便以奏聞

解脫

按續高僧傳解脫姓邢臺山夾川人七歲出家依投名匠志在出道雖在禪思遠近訪法無師不詣復往五臺縣照果寺隱五臺南佛光山寺四十餘年今猶故堂十餘見在山如佛光華彩甚盛至夏大發昱人眼目其側不遠有清涼山山下清涼即文殊師利遊處之地也有高行沙門曜者年百六歲自云我五十時與解脫上人至中臺東南下三十里大孚靈鷲寺請見文殊行至花園北遇一大德形神慈遠徐行東去解脫頂禮發願我時精神欣喜不及諮請解脫云已曾三度親見文殊誠語云汝自悔責若切至必悟道也便依言自答晝夜剋責心便安靜又感諸佛現身說偈曰諸佛寂滅甚深法曠劫修行今乃得若能開明此法明一切諸佛皆隨喜因問寂滅法何者是若爲教人令解之諸佛即隱空中聲曰方便智爲燈照見心境界欲究眞實法一切無所見遂因此法化導有緣在山學者來往七八百人四遠欽風資給弘護四十餘年常在佛光末徵中卒今靈巖尚在巖然坐定在山窟中又五臺南崇慶寺南五六里普明禪師獨靜坐禪求見文殊意欲請法有神人空中告曰

汝無神習止可長生壽前取藥服之可得延壽明懷
疑不決後又告曰藥名長松汝何不取此藥無毒明
便依言服之又告同行諸僧已騰空而去厥處見在
去恆嶽目屬相接又有僧寄禪師者住欣州秀容建
國寺恆於定襄來望人山南坐禪餌藥年將八十道
俗尊仰不知志入何法而與嘆者號不可思議入其
山靈泉望迹石上見在祈禱者衆永徽中有人無目
不知何來彈琵琶誦法華一部向望人山手彈口誦
以娛此山亦不測其然

法壽

按續高僧傳法壽姓李揚州海陵葛岡人形長八尺
儀貌魁傑眉目秀異立性威嚴言不妄發足下有黑
子圓淨分明相者曰長爲軍將仍有重名於天下也
年十六辭親出家即事精苦與人卓異尼姬奉禮未
嘗與言戒行清淨誦法華通攝山樓觀寺恭禪師住
法後賢衆所師仰承名延致於寺側立法華堂行智
者法華儀觀依法行三七專注大獲瑞應知而不言
恭既入京嚮還江北海陵軍海二縣各延供養隋末
海陵大軍寺僧智喜開房延入於中靜坐晝臥驚起
曰火發喜四出顧視了無嚮曰吾患耳妄聞耶明日
晝驚如此三度遂東還軍海去後李子通賊破縣燒
寺如所告焉大蟲傷害日數十人乃設禪災大瘡忽
有一虎入堂搏一人將去嚮逐後喚往何造次今爲
檀越設齋可放此人依言即放諸虎大集以杖扣頭
爲說法於是相隨遠去又欲往天台尋智者古迹謂
弟子曰吾雖欲至天台而不達在江南一山中西北
望見一城及過江至江陰縣道俗留連於縣東南山

起寺號曰定山便經年稔後天下漸安又還海陵鹽
亭百姓聞之有小孤山出地百初四面無草木於前
立寺名爲正見處之貞觀四年冬初謂門人曰吾與
汝別近夢惡將不起矣遂臥二十日忽起索湯盥浴
剃髮自辰至酉面西而終年七十八將終謂弟子曰
吾願以身施諸鳥獸此無林木食若不盡穢人眼目
可埋山西南及依往埋掘便值石磐礪無由又更試
掘遂得一處凹陷石上恰得容身因厝中置塔其上
嚮生常日頭陀林野馴伏猛獸觀想西方口唱南無
佛不多說法隨緣一兩句有災祥者令避託以夢想
所見貞觀二年有常州人往幽州見一女人問海陵
嚮禪師健不又問識耶答不識女人以烏絲布頭巾
用寄嚮師此人遇患經年不至嚮預知之每嘆息那
不至耶人至江陰附頭巾於海陵人將至其處乃令
弟子迎之恰至門首相值以巾付還嚮得巾執玩咨
嗟裂破付弟子各得一片有不得者貞觀三年天下
大括義草私度不出者斬聞此咸畏得頭巾者並依
還俗其不得者見今出家其年大雪深數尺告弟子
曰吾須新葉弟子曰雪深何得曰上山求之可有如
言上山數里至一樹下皆是青葉取之而返預知皆
如此也

惠明

按續高僧傳惠明姓王杭州人少出家遊道無定所
時越州敎法師聚徒揚化遠近奔隨明於法席二十
五年衆侶千僧解元第一持衣大布二十餘載時其
目之青布明也翹勇果敢策動無偶後至蔣州嚴禪
師所一經十年諦請禪法在山禪念經雪路寒七日

不食念言吾聞不食七日便死今明知業也若業自
在可試知之以繩自懸於高崖悅悅如人割斷因落
崖底如人擊置一無所損復至荊州四望山頭陀二
虎交鬪自往分解冬夏一服行止形俱所去無戀即
經所謂如鳥凌空喻斯人矣誦思益經依經作業近
龍朔年從南山出至京遊觀與其言論無得爲先不
久旋返云德化曲依開修遺莫知定所

惠主

按續高僧傳惠主俗姓賈氏始州末歸縣人六歲出
家爲斌法師弟子後令誦遺教一夕便度以經驗師
多有乖越便舍之而往姜律師所誦法華經寺東房
中講於俗律試聽一徧性若會聞乃問十關無能解
者刺史已下聞州白黑皆往諮問莫不歸伏始州一
部祖宗道衆即爲州內律主受苦薩戒既爾約束以
佛爲師尚不敬天况復神道於是佛法方得開弘於
黃安縣造寺七所梓潼縣造十寺武連縣造三寺從
彼至今方將盛矣初主登冠欲受具足當境無人乃
入京選德於甘露寺受戒唯聽四分餘義旁遇夢見
三日三夜天地闇冥衆生無眼過此忽明眼邊明淨
覺已汗流一百日後周毀經道方知微應即返故鄉
南山藏伏唯食松葉異類禽獸同集無聲或有山神
送茯苓甘松香來獲此供養六時行道禽獸隨行禮
佛誦經似如聽仰仍爲顯受菩薩戒後有獼猴事
其治道主曰汝性躁擾作此何爲曰時君異也佛日
通也深怪其言尋爾更有異祥龍飛獸集香氣充山
其類衆矣後有八人採弓材者甚大驚駭便慰主曰
聖君出世時號開皇矣即將出山以事奏聞衆預出

家大業中救還本州香林寺常弘四分爲業武德之始陵陽公臨益州素少信心將百餘駄物行至始州令於寺內講堂佛殿僧房安置無敢違者主從莊還見斯穢雜卽入房中取錫杖三衣出歎曰死活今日矣舉杖向諸驢騾一時倒仆如死兩手各擎一駄擲棄坑中州縣官人驚怖執主狀申陵陽大喜一無所怪書曰弟子數病不逢害鬼蒙得律師破怪食袋深爲大利今附沉香十斤絀綾十段仰贈後還京日從受菩薩戒焉貞觀三年寺有明禪師者清卓不羣白日獨坐見無半身向衆述曰吾與律師建立此寺兩人同心忽失半身將不律師先去不者明其死矣明日食時俗人驚去寺家設會見有四路客僧數千人入寺覓又無蹤至午時主便無疾而逝春秋八十九矣

智保

按續高僧傳智保河東人弱齡入道清慎居心而在性剛誓不軌流俗進受具後正業禁司擁節專制挺起羣侶博聽異解貫練心神廢立文旨大觀掌內所以律部還被實賴斯人故能維攝自他言行相守至於流略墳索頗獲其宗談對元儒不後其術筆記之工時揚大義緣情流彩嗣接英華初住勝光末居禪定國供豐積受用多虧所以名僧大德日陳形器憑准神解可以言傳至於衣食資求未能清洗僧衆四百同食一堂新菜果瓜多選香美保低目仰手依法受之任得甘苦隨便進徹皆隨于實恐傷種相由知法者少疑未詳檢其知量敬護皆若此也後返勝光厲業彌峻園蔬溉灌水糲細蠶直歲高視但論事辦

保念此無辜交被刑害躬執澆具送達方還寺有草物堪爲僧用者必拾掇鳩聚身送廚帳其雜行紛紜誠難備舉以武德末年遘疾將漸而正氣明爽告友人惠滿曰余其死矣而精神不得超勝如何有問意故答云觀其來陰似作守寺之神耳而止於西院佛殿余類以法遺之卒不能離言訖便絕自爾所陳殿宇人罕獨登時須開入無不悚然毛動及後百日嘗有老嫗內懷酒食將遺諸僧行至寺門忽被神毒身死委地酒器流離斯亦嚴厲之所致也故僧侶懾其風威有涉鄙悖者皆懷而懷正矣自保之據道卓秀出羣一食充軀雖經疾重不變前節不宿俗舍常止僧坊雖會遠涉必棲林野三衣常被瓶鉢自隨不執俗器不親音樂五嶽六府誓不身經理會高僧聞便赴仰故每日再講必瓶鉢自隨肅然成風無累於教處衆而食曾無贏長殘水餘澣並以餅拭而噉之一滴無遺恐損施福故也常遇重病每有食食餘一兩匙者停貯多日可得升許親看溫煖命淨人食之有問其故答曰僧食難棄不可妄輕棄耳傳者目驗生常景行故直筆書其弘護之相焉又嘗患瘧寒則水淋熱則火炙渴急鹽塞其口痢則絕其食取差斯徒衆矣

智說

按續高僧傳智說字惠成姓徐本徐州人炫法師之弟也少聰敏有志節在蜀遊學務動律肆會周陵法因事入關不果所期遂隱南嶺終南太白形影相弔有隋革命光啓正法招貢碩德率先僧首卽於長安敷揚律藏益州總管蜀王秀奏請還蜀王自出迎住

法衆寺道俗歸崇寺設大齋無不來赴將食提筋問炫法師曰此處護淨不答曰初還未得檢校承道不護淨乃擲筋而起曰寧噉屠兒食此洋銅何得噉也諸僧數千一時都散其嚴忌若此故其在衆屏氣寂然性不受施不妄干物有僧道恢爲人兇險遙見走避人曰卿從來不畏一人何故畏說律師耶答曰此佛法中王那得不畏人曰以恢公勢力可不敵律師百人耶答曰縱敵千人遙見百脈已沉四肢不舉何敵之有乎後以人請戒禁行將誼讓乃辭入龍居山寺幽棲深阻軌迹不通延出辭疾意欲登劒閣廓清井絡與說書令歸國化便略答云辱使至止并以誠言披閱循環一言三復文清淥水理破秋毫貪道戒行多闕化術無方宅身荒谷四十餘載狎魚鳥以樵歌習禪那思般若以此卒歲分墳溝壑不謂青年有幸運屬休明伏惟相王殿下德隆三古道振百王公攘臂而歸舊里衣錦而旋本邑百姓有再生之期萬物起息肩之望搢紳君子捧玉帛而來儀慷慨丈夫委干戈而伏道昔長卿返蜀徒擅清文鄧艾前來未能偃武公華陽甲族井絡名家捧日登朝懷金問道劍南長幼並俟來蘇皇藉微風自然草靡當勸諸首領越境參迎攜得書示軍衆先作禮曰人物事歸律師之力也以武德元年十月一日端居而逝年八十矣

智首

按續高僧傳智首姓皇甫氏其源卽安定元晏先生之後也家世丘園素居物表隨宦流寓徙宅漳濱而幼抱貞亮風標雄傑暮年離俗馳譽鄉邦初投相州

中國歷代神異典

第一百五十六卷 僧部

一六二四

雲間寺智晏而出家焉晏亦禪府龍驤心學翹望即稱公之神足也首歲居學稚且略禁科權示五門擁其三業而神慧所指不募下流覽屬遺教戒為師本定慧衆善自此而繁義理相得敢違先語所以每值律徒諸聲諮問隨聞弘範如說修行由是五衆分鑲莫不就而請謁俄而母氏辭俗復入道門名為法施住於官寺深修八敬遵重五儀志欲預有制門誓願奉而承則然居衆在道染附情深約是投率多輕毀而施割愛從道履正棲心威伏尼流聲高魏土自元化東被未有斯蹤以首膝下相親素鍾華望施欲早服道味濡沫戒宗乃啓晏授其具足而未之許也便內惟正檢外訊情章恭附遵修緝諸倫伍晏察其儀軌然後識之知其風骨堅深乃許其受戒首以緣成之法事假明賢恐薄墜行門便有淪道器乃周訪鄭衛盛德勝人不累年期必邀登計時過三載方遂素懷二十有二方稟大戒雖從師授而得不知乃于古佛塔前請祈顯證蒙降佛摩頂身心安泰方知威戒有實自爾旦夕諮訪提出恆標雖教所未聞而行儀先備及尋律部多會其文明若夙知更陶神府其有事義垂滯者皆決澮相融冥逾合契後聽道洪律席同侶七百餘類如林至于尋文比義自言過技及元思屬勇通冠羣宗剛正嚴明風嚴道緒者莫尚于首矣故未至立年頓開律府懿德敏行咸共器之靈裕法師道震雄伯範超倫等親管緇屬預在下筵時共美之重增榮觀會隋高造寺遠召禪宗將欲廣振律詮流輝帝壤若不附定通戒行學無歸遂隨師入關止于禪定解脫冥通聲光三輔初達天邑具覽

篇章便更博觀親解開以前聞有識悟其元規更開講肆既副本願登即然之每日處衆敷弘餘時却掃尋閱于是三載衆經四年考定其有詞旨與律相關者並對疏條會其前失自律部東開六百許年傳度歸戒多迷體相五部混而未分二見紛其交襍海內受戒並誦法正之文至于行護隨相多委師資相襲緩急任其取捨輕重互而裁斷首乃銜慨括括往往發蒙商略古今具陳人世著五部區分鈔二十一卷所謂高埔崇映天綱遐張再啟殊文統疎異術率律見翻四百餘卷因循講解由來一亂今並括其同異定其廢立本疏雲師所撰今纔兩倍過之故得諸部方駕于唐衛七衆同聯于貞觀者首之力矣但關中專尚素奉僧祇洪遵律師創開四分而兼經通誨道俗奔隨至于傳文律儀蓋蔑如也首乃播此幽求便即對開兩設沈文伏義互通古而未弘碩難巨疑抑衆師之不解皆標宗控會釋然大觀由是理思淹融故能統詳決矣使夫持律之寶日填堂宇遵亦親于法座命衆師之相成之道不忘弘讚之功靡替遂得知歸秦土莫不宗欽法鏡始于隋文末紀終于大漸之前三十餘載獨步京華無敢抗衡敷演所被成匠非一所以見述行徒知名唐世者皆是首之汲引實由匡弼之功而復每升法字規戒學徒微涉濫非者爲停講座或有情學者皆召而誨諭聞者垂泣無不懃華大業之始又追住大禪定道場今所謂大總持寺是也供事轉厚彌所遺創顧以道穆帝里化移關表舊土凋喪流神靡依乃抽撤什物百有餘段於相州雲門故墟今名光嚴山寺于出家受戒二所雙建

兩塔鑒以珠寶飾以丹青爲列代之儀表亦行學之資據各銘景行樹于塔右貞觀元年有天竺三藏大齋梵本擬譯唐文乃詔所司搜揚英達會議所及遂處翻傳其有義涉律宗皆諮而取正至于八年上以聖善早長遠感難陳雖化滿天下而罔極之情未展奉爲太穆皇后于宮城之西造弘福寺廣延德望咸萃其中恐僥倖時譽妄登位席以首道素嚴正不濫邀延百辟上聞召爲弘福上座即總綱任採擷僧倫其有預在徵迎莫不諮而趨舍使夫衆侶雲會等臭如蘭不肅成規流芳不絕自爰初問講誓窮百遍必得果心夕死可矣始於漳表終至渭濱隨方陶誘恰窮本願慶本所念未幾而終詳諸物議可爲知命以貞觀九年四月二十二日宿疾再加卒于所住春秋六十有九皇上哀悼下敕令百司供給喪事須務令周備自隋至唐僧無國葬創開模楷時共重之便射房元齡詹事杜正倫并諸公卿並親盡哀訴崇戒範也至二十九日裝辦方具時惟炎夏而屍不腐臭衆共嗟之斯持戒力也諸寺門學競引素幢充諸街衛官給地十畝于京城西郊之龍首原縣夫三百衆土墳之種松千株于今茂矣慕義門學共立高碑勒于弘福寺門許敬宗爲文記之

惠璉 附錄 善智 具錄 敬道

按續高僧傳惠璉姓吳揚州江都人也母懷之時即祛嗜慾辛腥俗味眇然不顧識者以爲見之所致同身于矣及年七歲心慕緇徒道見沙門尋而忘返親欣其信仰也遂放依崇法師而出家焉孝謹天然罔由師訓隨從奉敬初無率越每從榮遊履諸寺無敢

出離便子榮所臥牀下席地而伏斯例非一聽榮攝論大悟時倫即而講說嗟賞者衆談吐清雅妙會物情仁壽年中從榮被召入于禪定及具戒後專精律儀聽導師講凡二十遍又聽首律師數亦相及謙弱成治監論不言講揚揚論方敷律相時以其寄大乘而弘行範也大業末曆郊皇多虞禪定一衆雅推進善能御敵乃總集諸處人士普在昆池一莊多設戰樓用以防礙雖號令其敢當鋒時可竹羣賊鼓行郊野所至摧殄無抗拒者兵臨莊次意存誅蕩雖登樓一望但見張旗十里乃收束弓刀反縛奴僕大設餽饌廣開倉廩身先入陣勞問軍主引至莊中命令就坐既見盛設相與開顏各執瑾手健道人也飽噉而旋唯取牛十頭擬勞軍士牽至中道進後從乞以衙前顧皆用還之所以義軍之初通莊並潰惟有禪定如舊無損即深明機要善達問遮一人而已加又偏工巧性無施不可或莊嚴絲飾或丹青輪奐或裁縫服翫或驅策人物衆衆四百通用推賢至于誦說戒經清音流靡由來怠惰者聞說戒音來坐聽疎耳峻坐畏其聲止貞觀之初任雲華寺上座常弘攝論化開律部晚又下令徵入普光綱理僧倫大小清穆以八年冬終于此寺春秋五十餘矣時又有沙門滿德善智真懿敬道者同達所學慕義朋從德慧悟天開談說弘暢智博解深奧情欣護法懿說有功化行無阻道抱素自資性存經史多從物故懿獨存焉揚敷京章

法礪

按續高僧傳法礪俗姓李氏越人也因官遂家于相

焉生而牙齒全具迄于終老中無亂毀堅白逾常登年學位便欣大法初歸靈祐法師即度為弟子風素翔郁威容都雅言議博達欣尚元奧受具已後敦慎戒科從靜洪律師諮考四分指攝刑罔有歷年所振績微飲譽騰時類功業既著更師異軌又從恆州淵公聽集大義乃周兩載統略枝葉窮討根源當即薄引所聞開講律要詞吐簡詣攻難彌堅故得鄰幾獨絕尤稱今古末又往江南遊覽十誦而咸專師授討擊未資還返鄴中適緣開導屬隋煬帝銷岳演慶擾聽徒擁載諮遠無因唐運初基法門重開會臨漳令裴師遠風承清訓預展法筵請礪在縣敷弘相續綿積累載開悟極多四方懷道皆與命駕解契昇堂行教入室礪以初學舊習委訪莫歸若不流于文記是則通心無路乃開拓素業更委異聞旁訊經論為之本疏時慧休法師道聲遠被見重世欲讚擊神理文義相接故得符彩相照律觀高遯休有功焉以貞觀九年十月卒于故鄴日光住寺春秋六十有七前後講律四十餘遍製四分疏十卷羯磨疏三卷拾遺儀輕重叙等各施卷部見重于時時衛州道懽律學所宗業駕于礪為時所重矣

元琬附僧伽

按續高僧傳元琬俗姓楊弘農華陰人也遠祖因徙今居雍州之新豐焉青衿悟道履操冲明在志學年方遊法苑事沙門曇延法師振領宏標遵教法主隋文欽重立寺處之而琬位居入室恭恪懷懷及進具後便隨洪遵律師服膺四分冠冕進性錄汰持犯涉津三載便事敷演使于後進樂擁前英嘆美乃旋踵

本師涅槃具體拈撮新異妙為幽微又欲欽佩惟識包舉理性於曇遷禪師稟奉攝論并尋閱衆錄窮其心計法華大集楞伽勝鬘地論中百等並資承茂實研覈新聞環循彌計其際授會權其元理然願福智相導有若輪馳慧業略制於終標樹創開於始未惟延師存日願遠丈六釋迦經略未圓奄便物故誓志營復尅遂先模于仁壽二年提治有緣便事鍾鐺寺乃京卑衝要時望歸心故使至感異通控引咸遂當時空邑清朗杲日流輝上天雨華狀如雲母滿空飄灑終壁像前脣庶嘉其罕逢法屬慶斯榮瑞及開模之後雅相逾圓即為開輔棟梁金像之大未有過也今在本寺每于靜夜清朗飛流八音之響而不測其來至又造經四藏備盡莊嚴諸有繕寫皆資本據又以二月八日大聖誕沐之晨追惟舊緒敬宗浴具每年此旦開講設齋通召四衆供舍悲教辦羅七物普及僧儔又常慨運距像未有虧歸禁至于授受遮難滋彰乃參飾道場尋諸儀法每春于受戒之首依二十五佛及于轉神呪誦齋行道使彼毀禁之流澄源返淨登壇納法明白無疑並傳嗣於今住持不絕從此而求可謂護法菩薩也而重法尊行晨夕相仍若值上德異人必揖對欣振諮承餘令雖聞同昔習而翹仰如新斯後已諒光罕有蹤矣逮貞觀初年以琬戒素成治朝野具瞻有敕召為皇太子及諸王等受菩薩戒故儲官已下師禮崇焉有令造普光寺召而居之供事豐華廣沾會響又別敷延入為皇后六官并妃主等受戒椒掖問德禁中授納法財日逾填委而欽若自守不顧有餘廩施所資悉營功德尋有別

教子苑內德業寺爲皇后寫見在藏經當卽下令於延興寺更造藏經並委其監護現以二宮所寄惟各其誠祇奉不難義須弘選自周季滅法隋朝再興傳度法本但存卷表至于尋檢文理取會多乖乃結義學沙門謙勸正則其有詞旨不通者並誥而取決故得法實無遺於疑爲迷悟有分於本末綱領卓明自宛始也昔育王再集於周時今現定宗於唐世彼此誠異厥致齊焉然其匠訓於世三藏舍之偏以苦節自修德以律儀馳譽言爲世範精素攸歸華奔諸國僧尼從受具戒者三千餘人王公僚佐爰及皂隸從受歸戒者二十餘萬左僕射蕭瑀兄弟人倫藻鏡入厥時頗每誥法華三會之旨龍樹明中之教沉吟移景奉佩而旋右僕射杜如晦臨終委命召爲歷劫師資大將軍薛萬徹昆季并及母氏並欽崇戒約疏素形終昔光道岳法師解洞幽關辯開慧府敬奉戒香行菩薩道而汲引忘疲弘務終日因之革勵恆習者計非恆唯故京輔士庶繼踵隨禮供相尋日盈廚庫時有巫覡者云每至授戒說法異類鬼神諸方屯聚如相承受自非至功冥被孰能致乎現以戒勸之至物我同欽義等風行事符草偃乃致書皇太子曰元正告始福維新伏惟殿下膺時納祐盛無不宜但苑風繁沕病不獲奉慶慶隆遠間無任荷戴感願恩隆罔知牧盾今略經中要務即可詳行者四條留意尋檢未經實初勸行慈引涅槃梵行之文令起舍養之心存兼濟之教也二減殺者引儒禮無故不殺牛羊者皆重其生去其溫逸也又云王者修其教不易其俗齊其政不易其宜見其生不忍其死聞其

聲不食其肉此卽上帝悼損害之失樹止殺之漸也故佛經有恕己之喻誠之以殺打諸事也現聞東宮常膳日多章宰審如所承誠有大損殷下以一身之料遍擬羣僚及至斷命所由莫不皆推殷下所以長懷夕惕望崇慈恕自今已往請少殺生東宮內外咸減肉料則曆長命久仁育斯隆三順氣者如經不殺曰仁仁主肝肝者木也春陽之時萬物盡生宜育羣品用各異造如其有殺是不順氣殷下位處少陽福居春月行慈以和正氣施惠以保天齡請每年春季斷肉停殺懲彼含育順此陽和四奉齋者如經年三月六齋能滋六根便資五福伏願遵行受持齋戒何者今享此重位咸資往因復能進德崇善用成其美則善知識者是大因緣元現道德疎微曲蒙顧盼謹率聞見敢塵聽覽登卽答曰尋師所示妙法四科循覽周環用深銘佩法師早祛塵累遊神物表闡鸞嶺之徵言探龍宮之秘藏洞開靈府凝照元門固以高步彌天鄰幾初地遂能留情博施開導蒙心理實義周詞華致遠包括今古網羅內外訓誘之至審論之方縱聖達立言師傳弘道亦未足參要津擬議高論但行慈減殺順氣奉齋斯乃仁人之心以成大慈之行謹當誠諸心府奉以周旋永藉勝因用斯冥祐餘文不載其言令之行化及此類九年下半年斷殺起于三月盡于五月現以仁育兼濟乃上唐更延帝又特聽盡於歲暮貞觀十年杪冬遘疾知歸後世又致啓東宮累以大法又上遺封表于帝曰元現聞真容晦迹像教陵遲無不假縑素以住持設內外而爲護遂得法雲再潤慧日重輝光協萬葉紹隆千載竊尋

住持之理義有多門弘護之方教乃非一若不依佛取捨仍恐賞罰乖宗如其准教驗時是則簡徑當理伏以僧尼等不依戒律致犯罪章聞徹闕庭塵實覽現等僧徒無任慚懼但恐餘年昏朽疾苦相仍弱命不存洪恩未答遂于經中撰佛教後代國王賞罰三寶法及安養蒼生論并三德論各一卷伏願聖躬親降披覽陞寶廣開上書之路冀納芻蕘之言謹獻祕要之經請詳金口之教但現希當傳法庶無匿教之慙扶劣署封以酬終後之事不勝懇仰謹奉經以聞又遺誠門人在於道檢言極詳切讀者垂淚又云餘廢施諸衆生餘骸依古焚棄制服喪臨一無預懷遂以臘月七日卒於延興寺房春秋七十有五道俗失依皇儲哀勸天下下詔曰元現律師戒行貞固學業精通方奇弘宣正法利益羣品不幸沒世情深惻悼賜物如別齋殯所須事由天府春官懿戚卿相重臣並捨金貝榮加贈貲助追福暨於百日特進蕭瑀太府蕭瑒宗正李伯樂詹事杜正倫等並親率戒約躬盡哀禮後旋殯山寺幢蓋相映香華亂空從者如雲衆盈數萬前僕連達於終南後塵猶繼於城關四十里間皂素充道皆云我師斯亡飛業誰保故爲時宗如此也弟子等五百餘人奉遺遺旨爾時雲高風靜水淨油香七衆彌山一心悲結乃命下火依法闍維新畫灰飛廓然歸本仍於焚所建佛塔一區用津靈識儀像在焉東宮洗馬蘭陵蕭鈞製銘宗正卿李伯樂製碑立於塔所時爲冠絕初現自始及終意存弘濟生善福智無不綴心武德之初時經剝喪粒食湧貴客僧無託乃自竭餘力行化魁豪隨得貨賄

並充供給日到寺廚親同豐約故主客同慶焉又像
季澆雜多輕戒律乃以身軌物引諸法屬親執經文
依時附聽乃經十遍遠嗣先塵智首律師德光象聞
於帝京者實資成讚能扇芳風自見令達罕能推挹
如此人矣故使唐運搜舉歲拔賢良多是律宗實由
琬之篇課也而容範端肅聲氣朗峻預瞻敬者莫不
凜然圖像厥相猶令人畏有弟子僧伽俗姓元氏清
悟寡嗜欲常隨琬導物而立志貞正譏諫變適不犯
顏色以味靜爲宗又不希人世依閑業道是所謀焉
臨終清嗽斂容明晦而卒豈非師資謙德能世其塵
而恨其早卒清規未遠

中國歷代神異典

第一百五十七卷 僧部

一六二八

欽定古今圖書集成博物彙編神異典

第一百五十七卷目錄

僧部列傳三十三

唐九

慧滿

慧進

道興

明導

曇遷

明瞻

智實

惠滿

道亮

惠旻

曇光

法通

慧乘

附道章

神異典第一百五十七卷

僧部列傳三十三

唐九

慧滿

按續高僧傳慧滿俗姓劉本彭城人世家徙於許州之長葛故又為縣人焉英葉以衣纓稱士大夫十八為書生聰悟敏達善說詩禮州郡以明經舉之非其所好遂入嵩高山求師出家雖強識前聞而以戒行見稱者舊相謂曰若人如此必今代之優波離也開

皇初遊學鄴城博綜經律乃貫練衆部偏示四分開泰山靈巖寺幽棲結行之宅也乃往從焉後以和尚年衰復還中獄於時隋祖創業四海為家故得縱任往還無所拘礙時龍門沙門明朗河東持律之最承蕭道聲藉甚不遠從之朗雖年齒隆蕭而卑身禮事並深相悅服道合欣然淹留歲序請歸河曲蕭亦不滯物我相與同行住於龍門定林寺歷緣山水居隨所好尋訪同志不憚危險馬頭山有僧善禪師聚徒結業從而習定時還朗寺弘暢毗尼仁壽中頻向黃嶺山依巖夏坐有亡命者因事投焉不忍遣之匿匿經久後以事發引蕭為侶所在督課追徵赴獄會朗善俱亡又兼匿罪便震錫徂南路經蒲坂時沙門道積神素道傑等晉川英彥素與周旋留連累載屬隋煬嗣曆法令滋彰藏匿嚴科殊為峻刻蕭以許身為道隨務東西名貫久除棲遁幽阻自中條王屋巨壑深林無險不登若遊庭戶逮中原板蕩妖氣一亂河東郡丞丁榮敬服德音招住仁壽長弘律藏學者肩隨義寧中被擁西城不虧講業及得安靜爾崇法會蒲陝晉絳五衆師焉以貞觀十四年終於仁壽春秋七十有三自蕭服心戒業演導為宗友接朋勝時無與貳每念朗善遊好不覺涕之無從不能截止便登眺而慟斯重交慕善為如此會講涅槃僅十許遍猶恨大乘無功遂飭讀華嚴於數年間口不輟音文不釋手有請蕭為方廣講主乃止之曰吾尚未解經意安可講乎時以為貞而且諒又懼悞諸後學云

惠滿

按續高僧傳惠滿姓梁氏雍州長安人也父榮歷仕

隋唐為海豐諸州刺史滿生年素潔履正標宗慈濟合育始非修學世俗餽餽見便寒慄僧儀道具觀即欣仰年甫七歲即樂出家二親素奉佛崇不違其志父臨海州有教聽度便蒙剃髮隨父還京住大興善為仙法師弟子仙各望京邑識悟有從既道俗洽聞故父親付囑後攜住仁壽宮之三善寺及大業之始又住大禪定寺建戒奉業於智首律師明慎威儀學門推揖思擇理味以達磨為恆而勤於政事樂行勸勉每值立界施則唱白科舉身先衆侶諮考疑議至於受戒緣集難遮多少教授獨斷成不眇然滿乃預令識相提撕抵掌致有臨機忘逸往往徵正時共重其詳審敬其成進也遊講四方不拘世界貞觀三年常於鄴城魏兵曹家別院講羯磨法所居草室忽為火燒風篋俱盛將延西及滿素水濕之因即風迴火滅得無燒蕪斯戒德之威頗難登繼至七年令造新寺還選大德以滿行續前聞引之令住其年奉敕令住弘濟寺上座專弘律訓獎導僧徒屢有成規旁流他寺有集仙寺尼素無慧解妄有師習鑄老子真人等像私自供養并廣召黃巾處堂慶會滿與諸僧同預齋集既屬此事公呵止之連告大德顯行擯罰又追取道像入太原寺改成佛相用誠餘習昔周趙王治蜀有道士造老君像而以菩薩像侍僧以事聞王乃判曰菩薩已成不可壞天尊宜進一階官乃迎於寺中改同佛相相似也又證果寺尼慧尚者一時僥倖官禁往還會高祖昇遐乃以尚之住寺擬設皇靈尚即取僧寺為尼所住事連正教莫敢致詞滿遂構集京室三綱大德等二百餘人行於擯黜云自佛

法流世未有尼衆倚官勢力奪僧寺者既是非法宜出衆外不預四衆往還及諸法事若有與衆言論者亦同此罰制令既行是非自顯慧尚不勝其憤連訴東宮并諸朝宰有令違詹事杜正倫解其摺事僧衆既集多從情議滿曰殿下住持正法惠滿據法循理今則違理附情此則規模一亂擯本治罪罪仍未悛據此而詳未敢聞旨便捉生具送巡而退時衆懼加威權便同解擯滿聞之嘆曰余件既少難可重治且不同解示知乖相耳尚後謝過滿終不顧及駕巡東部下教李衆在前滿集京僧二百人詣關陳諫各脫袈裝置於頂上擬調達之行五法舉朝屬目不敢通表乃至關首重教方迴常安弘濟集徒講說成匠晚秀有鄰聲彩又顧生安養浴僧爲業教安公之芳緒也憐憫惻惻就自勵以貞觀十六年四月二十日遷於微疾知當後世救出什物並屬三寶正坐繩牀自斷其膝召諸寺衆人各執別氣從下上漸至於心言晤答對初無昏昧暖氣至口奄爾而終春秋五十有四焚於終南龍池寺側餘骸並化唯舌不灰更足薪火經於累宿色逾鮮赤遂瘞於山隅京師淨住寺惠昇爲之銘頌手製四分律疏二十卷講三十餘遍

慧進

按續高僧傳慧進姓鮑氏潯州上黨人弱歲辭親慕從緇侶修習戒檢極用偏功將欲剪削父母罔慈遂停俗里以仁孝見知年至三十鄉閭觀其精苦潔身斷愛無思妻累乃共白其所親委其元度方任出家住州治梵境寺既受具已聞說受淨衣毛肅然重問

持犯又關諮悟承部下講律徒侶僅千欣嘉滿儀以律假緣求非文不合因即閉關自讀八十餘遍行要耳目頗亦具瞻而義理由蹤必從師受便往相州洪律師所一座伏聽不移其席乃經八遍中靜務相續而聽又經八年爾後栖皇隨師南北或山或世遊探經論用律律宗累計前後四分一宗百二十遍并重尋讀強三百遍自有同塵專志累功罕儔其匹隋文未曆有同寺僧奔進學業匪難齊競陰而嫉之進曰相與出家同遵律業潛加蠅扇豈不以身名致嫌乎昔聞無淨行者唯在空生聖立芳規義非自結余雖不敏請從雅喻即日往謝擲棄公名褐襪而出衆有止之進曰余不滯於去留也爲緣故耳因逃聽諸方勝徒名地五臺恭嶽東川北部常山鳳門隨逐禪蹤無遠弗屆沙門惠贊道王朔川又往投焉定宗師傳及瓊入關遂往箕山訪蹤巢許巖石便利有古寺焉掃以居之足不下山三十餘載言行成範緇素尋焉舊本幽阻由之喧泰故其法屬常以禪律繼業以貞觀十九年正月十五日因疾脚生而卒於山舍春秋八十有六時同鄉沙門明瓊者善宗四分心眼清亮講解相仍具傳章鈔而形氣弘偉少共齊儔在法住寺御衆揚化韓路沁澤四州從範末齡風疾頓增相乖儀節雖衣服頽廢而飲食無暇余聞往焉欣然若舊叙舊惜正年八十餘矣

道亮

按續高僧傳道亮姓趙氏趙州樂城人十五厭於世網投州界沙坦禪坊備禪師而出家焉備博達洽聞兩河稱德偏弘大論神見清遠十六登座至於八十

聲相動物詞味無變亮奉教諮展望預聽徒乃令往封龍山誦經爲業山侶三千並是禪蹤素少淨人惟亮一己既當下位衆務同臻日別自課春五斗粟將及六載一時不懈徒號三年六時隨衆屢蒙放遺衆心不從積至七年苦勸方遂聞并部瓊禪師結徒開化盛宣佛法行達箕山便進具戒漸次太原歸依惠瓊念定爲務勞慕律宗有嚴律師者德範可歸便從受業因居無量壽寺焉即嚴之所住也自爾專攻四分無忘日夕又從嚴往石州聽地持論經停既久文旨大通覆述前解增其名實有員秀才者居幽綜習儒教有功從亮學於起信遂爲披析開發慧悟抱信不移承瓊律師引徒盛講據業臣州又往從焉聽溫本習後返住寺依時弘演唐運初開教爲滿師立義興寺以亮律行清顯延而止之因常講說移鎮世積貞觀之始出至本州樂城備公猶自在世欣亮遠觀爲建律筵轉展相扇聲被東夏聽徒八百請益日隆爾後類開律府計不在數成講學士四十餘人并部法與自出此矣至貞觀十九年卒春秋七十有七

道興

按續高僧傳道興姓劉本住秦州人九歲時常念出家私詣僧寺不肯還二親恐失年十九決意定詣大光寺求出家僧衆怒之二親苦求隱避不出衆爲解喻便許剃落時天下大亂賊寇交橫死者山積興爲沙彌語諸徒曰人身難得持戒第一母爲賊掠將去離城六十里興沒命尋逐至已被傷未絕賊見曰此僧誠爲至孝逐母至此便不盡命乃背負母還城城中咸怪賊路兇險何因得返避難投蜀至河池縣逢

贊皇公蒙被安慰送至梁州與一老僧相隨彼有金十兩謂與曰吾有金可爲負至蜀共分與曰此危身物佛又不許不可將行若不信者善惡應驗遂捨而獨往彼待金者至三泉縣逢賊致死既至蜀川年滿進具常行蘭若願陀乞食智律律師當衛講匠依聽五遍便能覆述每有異見深奇之後至京師首律師下仲大義後還蜀川廣聖經論不爽光陰又於江禪師下果受禪道以爲徵心要術也自舜沒後接構律筵每年講席極爲稽引三十二度來請者方許開宗每嘆云佛法漸替輕慢日增余不敢輕所以爲重法故爾即以啓愚鄭重爲善法種子若無此種何由可遇所以每講律部及發菩提心以此屬衆聽者垂泣思誨與待衆涕泣靜已入久方令唱文如此非一四遠來投無客主與知都維那於時官府急切不許客住諸寺無停者咸來即安撫寺主曰依官制不許何得停之與曰官不許客針私容車馬寺主豈不聞耶寺主大怒曰年少不用我語與曰此三寶也敬則見善嫌則惡惡寺主憤恚還房眼看袈裟不見又往三門王家舍受飯謂言是血食人喻之竟不食返寺向與懺悔尋終行蘭若時鬼來惱亂與出繩牀鬼退爲受三歸已爲禪佛名鬼亦隨禮貞觀中青城戴令來慕欲與同房宿夜中眠驚走出房外云見一赤衣僧執杖打背云何因在此宿以火照背如三指大隱軫赤色因求悔過與遇疾甚聞室中音樂聲自念我所求者本在佛果不顧人所願不虛諸有魔亂自應消滅言已聲滅自此便差常禮千佛日別一還求徵三年元英法師送舍利令供養與獲已於

房內立道場發正願曰若一生傳法并禮賢劫于佛如契聖心請放光明如語一室並爲金名弟子咸見以顯慶四年月日終於福勝春秋六十有七與自在道行節在懷晝夜恆坐曾不偃亞未嘗詣市不受別利乞食之外不出寺門不乘畜生不服非法益部五衆敬而重之

惠旻

按續高僧傳惠旻字元素河東人志性方直操行不羣仁愛汎洽稟自天性道振三吳名流七澤情好幽居多處巖壑九歲出家勤精潔業誦法華經期月便度十五聽法廻向寺新羅光法師成論率先問對秀逸元寶命覆幽宗耆宿同悅年十七赴請還鄉海鹽之光興寺講法華經聽衆雲翔咸陳嘉瑞異香彈指屢結空中受具之後從竹園寺志律師稟承十誦文理清通傍訊諸部志公將新學徒用委喪事云畢東入會稽至剡禮石佛天台遊講肆數年還吳止通元寺結徒屬業一十七年不出寺門無窮別請元始要終布衣蔬食慶弔既絕談謔斯已隋末崩離吳中饑饉道俗逃難避地東西乃守死不移禪誦無輟鳥象無擾默羣不亂蘇州總管聞嗣安迎請出山固辭不往重使再請不獲而赴時刺史李廉薛通王榮等深相器重末崇供觀而懷志棲隱終日感感聞公通鑒不可奪也乃送人華亭谷幹山立寺行道數年地唯下濕蚊蟲甚多恐致損傷將事移止大唐開佛法事通流更入海虞山隱居二十餘載遠方請業常百餘人地宜梓樹勸勵栽植數十萬株通給將來三寶功德中年所於南潤止一草庵兩兔一彪相親同止內

外盤遊無相陵惱至於禽獸神祇請受歸戒叙其事積未可具也蘇州都督武陽公李世嘉遣書降使頻請不赴貞觀十九年刺史江王因國度人行道之次請令出山王欲受戒施衣傳諸香供並固讓諸德不授不納辭退山泉逍遙自翫凡講經律菩薩戒成實論數各有差古律舊疏有陋失者皆刪正而通暢焉著十誦私記三卷僧尼行事二卷尼衆羯磨兩卷道俗菩薩戒義疏四本受業學士傳化者二十餘人以貞觀末年八月十一日且終於所遁春秋七十有七未終三日異香滿寺舉衆怪問曰吾後日當去矣生死人之常也寄世本若行雲無礙泣各念無常早求自度喪事殯葬律有恆儀碑誌飾詞一不須作能依此訣吾何言矣斯固臨終不撓可謂堅貞者矣

明導

按續高僧傳明導姓姚氏本吳興人因官飲州遂家於彼幼叶雅調與衆不羣隋末喪亂二親崩歿發心出家意存護法所在尋逐彌勤戒檢以貞觀初行達陳州逢救簡僧唯留舊宿導以德聲久被遂應斯舉雖蒙榮問意所遺之乃歎曰出家弘濟務存許道豈以名貴拘滯一方乃翻然還往棄擲寺宇至燉礪二師座下餐東幽與未盈京暑聲聞超挺因令覆述縱達無遺學門義侶莫不推挹自諸寺結誠訟及道俗牽連不決皆請通之及導面往吐言愜伏皆歎其善達無諍權導不思之力也龍朔二年道行風彰奉敕別住東都天宮寺麟德元年上造老子像敕送芒山仍令洛下文物備別時長吏韓孝威妄託天威黃巾扇惑私囑僧尼普令同送咸遂勒州部二十二縣五

衆通集洛州各事幢幢冠日齊舉導出衆對曰佛道二門由來天絕邪正位殊本自碩異如何合擁雷同將引既無別教不敢開命威大慈曰是何道人輒拒國命乃使人脫導袈裟將行禁勸導曰袈裟救度所著非教不可妄除無教令僧送道所以不違國命威怒曰道人有不送天尊者出導即挺身獨立預是僧尼同時總往導所威怒曰道人欲反導應聲語六曹官人曰長史總召僧尼唱反此則長吏自反衆僧不反須告御史導等一時崩出威大忙懼降階屈節懣謝而止以斯抗禦李代少之因僧大集簡試度人天宮餉食過中乃至僧有不量時景者取而進噉導曰諸大德並佛法遺寄天下楷模非時之食對俗而噉公違法律現法滅緣冒罔聖凡一至於此衆並愧之因索水清漱月餘不食悲慨正法凋淪相及道俗苦勸方乃進餅以斯量之故以謹法之士不顧形有者代有人焉今年六十餘東夏英髦一期咸集導於清衆有高稱焉

曇光

接續高僧傳曇光姓張氏汴州人自幼及長潔志清範諸有勝徒莫不登踐於禪燦兩師聽受成教逮至立年盛明律藏命宗章義是所推崇禪狀曰使吾道流河石誠此人乎又往玉法師所聽法華地論高達勝乘元理權實坦然又往嵩嶽相禪師學修止觀因屏絕塵惱不羈名利會東都盛德須有住持以光有素德景行難推遂敕召住天宮寺又以教受新成衆徒皆集綱管之任非人不傳因又召爲寺之上座經撫清衆不肅而成然而汎愛之誠終古罕類四方律

學莫不踴躍故其房宇門人肩聯踵接成就所舉遠近遵承西明寺律師君度奕奕標舉一時俊烈亦光之所進也今麟德二年東都講說師資導達彌所欽羨焉試爲論曰自法王之利見也將欲清澄二死剪除三障所以張大教網布諸有流雖復惑累增繁起唯三業隨業設教三學與焉戒本防非諒符身口定惟靜亂戒約心源慧取開邪信明矜慈三法相假義形聖量是故論云戒如捉賊定如縛賊慧如殺賊賊謂煩惱不可卒除功由漸降故立斯旨其非戒具定修深知障惑明智觀察了見使纏我倒既消諸業不集推其本也則淨戒爲功舉其治也則正慧爲德經美能生豈不然矣是使五乘方駕於戒道衆聖肩隨於行衛垂福祐於四生廣紹隆於萬載非夫戒德何以懋哉粵自金河累言爰始靈山集法時尊厚味道被淳源雖復設教不倫互裁輕重奉者無乖會聖體意兩不相非然夫上座大衆創分結集之場五部十帙流宗百載之後備列前傳部執等陳且自律藏久分初邇東夏則薩婆多部十誦一本最廣弘持實由青目律師敷揚晉世廬山慧遠讚擊成宗爾後臻穎分鑠而命路祐瑗波騰於釋門澄一江淮無二季矣而恨受遵四分隨依十誦可爲商之其次傳本則曇無德部四分一律雖翻在姚秦而創數元魏是由亦髡論主初乃誦傳未展談授尋還異域此方學侶竟絕維持通及覆聽方開學肆有宋文世彌沙婆部五分一本開講揚都覺壽所傳生嚴其筆文極鋪要深可弘通郭匠輟斤流味無日可爲悲夫雖聞海濱披述汾願詞登往搜求名實乖爽可惜華典虛度神

州迦葉遺部解脫一本梵葉久傳無人翻度唯出戒本在世流通等衆餘宗更無異載世該妄習偏備愚叢婆羅門律本未傳藏中見列僧祇部者乃是根本大衆所傳非是百載五宗生也統叙五部支分此方已復其四若據攝未從本則二部是其所宗此方已復其一自餘羣部多是西域賢聖續述行事其中類聚自分區別緣敘難裁略言之矣惟夫慧日已沉法流方被衆行之重無越斯經諒由附相束情心事易准動靜科據有契感容凡愚妄習相引善故律緣制斯敦罕承試詳講導開士特奉明人見想紛馳互程神略部別廢立取舍難恆學觀未張易爲開舉何以明耶至如受具一法三聖元基部各陳要具舒隨相異宗會受事類星張當受明隨同合契考夫行事之士則鄉壤部分窮其受戒之源宗歸四分今則隋學陳相不祖先模抑斷是投妄情斯記可謂師資訓教教授無功亦是顛行道殊機見互解斯之樣雖二百餘年豈不以傳道失人故使頌聲流擲今則混一唐統普行四分之宗故得終始受隨義難乖隔攝護雖廣其源可尋自初開律釋師號法聰元魏孝文北臺揚緒口以傳授時所榮之沙門道覆即紹聰緒續疏六卷但是長科至於義舉未聞於世斯時釋侶追味蒼淳言行相承隨聞奉用專務棲隱不暇旁求魏末齊初惠光宅世宗匠跋陀師表弘理再造文疏廣分循術學聲學望連布若雲峰行光德光榮耀齊日月每一披聞坐列千僧號鼓清言人分異辯勒成卷表通號命家然光初稟定宗後師法律師儀大聖微飲具焉所以世美斯人行解相冠誠有從矣有

雲禪願三宗律師攝傳燈各題聲教雲即命初作疏九卷被時流演門人備高東夏禪次出疏略雲二軸要約誠美踐徑少乖得在略文失於開授然雲勇於義宗談叙誠博庫則最切詞相法聚推焉世該首尾信探風骨份陽法願躬視兩家更開覺穴製作抄疏不減於前彈札駁於律文是非格於事相存乎專附願淨幽通化行并塞故其然也其餘律匠理洪隱樂運深誕等或陶治鄭魏或開疆燕趙或道達周秦揚塵香齋其不同師雲術齊駕當時雖出鈔記略可言矣而遵開業闡中盛宗帝里徑律雙授其功可高於時世尚僧祇而能間行四分登座引決其從如流勃故每臨銜箭而返然遵一其神志聲色不渝由是人法歸焉可謂行之及也智首律師承斯講授宗係誠廣探索彌深時屬雲雷接統傳化學門遠被製造全希豈非博覽百家共師一軫雖欲指筆無詞可通屬有礪亮行判燦勝藏典或傳道於東川或稱言於南服其中高弟無越魏都製疏乃行其緒誠少餘則名擅一方蓋無筆記而復化行艱阻多虧時心豈不以制在篇初故陷者惡聞其失嗚呼律為法令弘則命全今不欲弘正法斯滅又可悲之深矣觀夫定慧兩藏理在通明戒律一宗申請機事局事則紛披難集前後異條開制道緣舉例寧准論餘兩藏義在潛通達解知微名為會正所以天仙小聖逗機明道互說精理開明慧務俱稱至教印定成經若據律宗唯遵佛誨大小諸聖不妄傳揚斯何故耶良由教限內衆軌踰常儀僧實可欽非餘訓場自非位極至聖誰敢厝心是以文云吾尚不以衆僧付於身子况餘人

乎故所制重輕皆遵成教縱有疑問還委佛通難著論詳述而不作是使遺言四命戒為大師三集法輪先弘斯典論稱法壽尊虛也哉昔鶴樹已前持律者衆其中高者牛王最初往業未夷徙居天室其大接緒號優波離五百獻功奉持為上致使四十餘載七衆憲章隨犯科要多因面結至於持犯通塞徵舉治儀皆命顯揚委其監護雖復二十四依通傳正軌楷模後業必祖斯文暨乃東川開創戒業曹魏嘉平方弘具戒爾前法衆同號息慈師弟乃闡機務俗耳行羯磨也憑准法護之宗論布薩也翻誦僧祇之戒教網初啓隨得奉之未可怪也西晉務法稍漸網猷中原喪亂干戈競接洛邑凋殘涓陰荒燼三護青門之衆可卷而懷康會黃武之徒未足收採重以孫皓苛虐元蕪不仁擁寺列兵虔劉釋種平城之側高尚覆屍黃河之涘梵僧捐寶投骸摩屠法律寧通時會彌天恢張儀範僧衆常則皆約戒科兵饑交貿網制嚴密故安舉三章且救時要攝緣成濟得其務焉但教缺未弘必假傳授鼻奈耶律初是安通文極疎略粗知大旨審其正則誠所未聞弘在人乎安當斯寄其後遠磨願翼成習門風秦晉兩邦昌明法化誠其力矣自斯厥後南北兩分住持位別各程綱目互舉清徒故有攝嶺樓霞弘明淨地泰山靈隱建立戒壇應供列薦行之僧叙戒聞重受之夏即其事也若夫人法交映則行解相扶有昧則絕紐當時無德遂埋神於地故世中迷學其流四焉試略舉之想當迷責樂大乘者志尚浮虛情專貪附故有排委戒網捐縱威儀見奉律者輕為小乘毀淨戒者重為大道便引黃

葉是真金之喻木馬非致遠之能阿斥排抵如捐草土皆由行缺於身塵染網縈恥已不逮於清遠慢己有累於嚴制遂即迴情學大開展心胃陵轢聲聞褒揚菩薩通情則恐投於坑阱取解則曲媚於門閭如斯懷挾未日倫逼以此求心心可知矣何不廣讀大乘開張慧路微延聖意有附塵焉是以騰聲所談女人之起行也猶知毗尼即大乘學地持所明初心之具修也尚識律儀即菩薩藏何况諸達理教體化知神解不謝於上賢行卑虧於下衆必行有乖解非解也得語而不詳義棄智而從諸識生死無涯之縛固難連矣流俗常事三省而加九思出世所詮四依之與八正降斯以往未足言故是知大小兩教隨相攝修並在離著豈唯封執若存此計與外不殊半滿經論皆陳此過戒之受也但啓虛願之門戒之隨也須遵實行之務知受而不明隨修願而無其行可謂雙輪無轉於地折關有鑒於空信哉世有鄙斯戒者皆為煩累形神解其持犯故同輕削指為小道小可捐也宜即捨之矜重情多誠言無報誠以攝御門學非戒不弘相善任持非戒不立其猶行必涉尸言必有由故名利將及爭位夏而斂容師授尊模趨壇場而整帶豈非貪決情勇覽戒奉以為師行絕網欲委戒填諸溝壑專志在於本毒去取匠於方寸用斯弘濟誠未敢聞此則愛大憎小為迷一也若能關鍵身口附相攝持虛蕩慮知體道懷德則安遠光憑斯其人矣世學諸論詞數區分傍大衆而過小徑委本筌而尋章句時連界繫乍別色心一行六塵之相攝名教煩繁之包富聖別為存道行凡學止在名譽於是僻

計終身博綜詞義經度戒諸陵犯犯聲邪說富於唇吻邪求滿於胃臆謂捧鉢爲餽丁號持瓶爲賢于半月說戒唯列蠱言衣鉢受持極成煩碎遂即顛倒形服雷鼓言聲侮弄尊儀斜聘輕律故使本業受淨永絕其身戒約住持生就其口斯豈不聞於本業乎知業則不然也但騰焰於舌端曾未圖爲心約此則尊高矜伐賤委本基爲迷二也若能深討使性妙識治能念動唯見我人事對但明塵識則未悉何賢當斯目也惠休論士樹以風聲然其專大探小騰實復光其美又有行福未凡稟素疎野廣讀多誦情見特隆偏略戒科謂講生倒不如常飲淳乳飽我心神靜處幽閑何過相及斯皆靡聞教行動事疑遲不學無知隨念交集所以每讀聽採坐列羣僧就務鑽研其人無幾學猶不解况不學乎牛毛麟角頗爲近實又有成樹塔寺繕造田園舉重材未由物命燎原流隔豈避生靈唯恐福業不成實未懷諸惡惻是則不聞大聖之明誡也十誦三三相正在斯人或謂爲福行罪功過相補是又不聞律緣之初禁也緣修佛堂方制地戒意在隨念附相策心不惟事業無益之咎故世思微靜之士招引實希蹤擾經營之夫騰擲者衆蠱法易染妙理難弘爲迷三也若能依准教行不越常刑賢聖所同實當弘護至如燈寺九百神道狀於趙都遠林不刊戒德流於晉世可龜鏡矣專門奉律之客立志貞履之天薄誦戒緣粗知文句時登九座引衆開揚慢水覆心更無依學是則不聞明律師之清誠也法身成具方免師資今乃易從止足未思弘贖願雲漢寶輝僧倫惟我律師餘皆師律願諸經

論事等石田針膝高名約同稊稗知法世寡謀辦黨替任縱科治是非一亂輕重由其量處禍福自其心神出語成形會無再覆傳而不習禮門所輕習而不經釋宗所誠何異讀禮而存僞做誦易而忽陰陽助哉斯言令終宜始但以時遭像季性就澆漓律部邪緣宗仰繁矣並由本尊學語義旨誦文招紙籤述題鞭記實有則依關則絕言縱有異徵取過無路便言律無正斷故是前聖聞聽遂即冒世輕生漫行章句飲否湯者爲清齋畜錢寶者爲小犯坐具無勞飲淨鉢量未必姬周斯皆強於鉛刀易取思齊其迷四也若能廣尋羣典備開行藏挹酌四印照融三制臨機剖斷則文理相循括舉例則物我同曉如斯御衆世有人故尋夫戒律之笈鑒於持犯定慧之學恆務在治能治則亂惑可銷能持則神機清遠餘外浮遊章句等指月而執指端於誑教相同詠藥而迷愈疾論者試開四學終墜兩迷非肯何以致詞詞列惑心寧盡故經陳曰種種法喻咸存離著律又述云常爾一心念除諸蓋固復懷斯誠微微有微銘將用體鏡如流且復昭彰於後耳

量選

按續高僧傳量選姓崔高陽人神慧肅詭不偶時俗雖博通經術而以涅槃著名不存文句護法爲懷晚住井部興國寺川邑奉之以爲師傳每有衆集居於座元酬問往還以繫繫爲要吐言開令宏放終古僧侶乃多其敢推挫時人目爲豹選者也及楊諒逆節中外相叛招募軍兵繕造牢甲以興國寺爲甲坊以武德寺爲食坊後於武南置障楊素敗之官軍入郭

搜求逆黨總集諸僧供實供反者僧等辭曰王力嚴切不敢違約素曰有幾僧諫王被殺而云王力嚴切此並同反不勞分疏可依法選時在衆不恐斯禍乃出對曰比佛法嚴選特由僧無德可以動俗致有亂階結果不能誨以忠信此誠如公所教今被理實陷身無地素乃舒顏曰僧等且還爾爾對僧擬論機務自爾豐參軍務開豁諸僧晚還寺宿不久楊帝下勅通被放免故合衆復安誠其功也及大業末歲兵饑交接四方遊僧寄食無地與國雖富僧者多每食時禁門自守各僧擁結終不之前還不勝滅法憤激身心每日拄杖在門驅趕防者攔引獨僧供給鉢器送至食堂衆多是其子弟不敢違逆由是衆開僧制許還停客自餘不得然其慈濟之深感敎府倉房內廓然財物不積惟置大鉢一口每日引諸乞兒所得食調總鉢中選請食分亦和其內雜爲餽粥便行坐乞人自斟酌見其繼續皺錯形容羸瘦流淚盈臉不能自勝還亦依行受粥而食日別如此遂及有年皇選伊始人情安泰義興新寺法綱大張沙門智滿當塗衆主一川鄉望王臣傾重創開諸宇嚴位道場三百餘僧受其制約夏中方等清衆肅然風聲洋溢流聞遐邇通聞之乃詣其寺庭滿從開來廟屬下杜告曰卿等結衆作何物在依何經誥不有冒問後生乎滿曰依方等經行方等懺還曰經在何處將來對讀遂將一卷來還曰經有四卷何不一時讀之沙門道綽曰經文大第識不俱聞還曰吾識可共爾識同耶但四卷齊讀文言未了便曰依說戒罪耳可能之又曰自佛法東流矯詐非少前代大衆之賊近時